

Parlamento di Corsou ta anfitrión di Reunion Interparlamentario di Reino, IPKO, cu ta tuma luga 28 di februari pa 3 di maart 2023.

Durante IPKO, e delegacionnan di Parlamentonan di Corsou, Hulanda, Aruba y Sint Maarten ta reuni cu otro y intercambia informacion y puntonan di bista riba varios topico cu ta concerni e diferente paisnan den Reino.

Pa cada reunion Interparlamentario di Reino ta determina adelanta e temanan cu lo trata durante e reunionnan. Pa e IPKO aki a pone entre otro e siguiente topiconan riba agenda:

- e alohamento di e fluho di migrantenan den Reino;
- e deficit democratico;
- relacionnan duradero den Reino;
- reformanan entre cua e paketenan di Pais (Landspaketten) y
- pasado di sclabitud y colonialismo.

Alabes e delegacionnan lo haci un bishita di trabou na varios sitio relaciona cu e historia di sclabitud y colonialismo.

Un dia prome cu apertura di IPKO, e delegacionnan di Aruba, Corsou y Sint Maarten a reuni den un asina yama Tripartit, caminda a trata temanan cu ta toca e islanan aki so y tambe ta haci cierto preparacion pa IPKO.

Na final di IPKO, lo presenta un Lista di Palabracionnan cu tur delegacion ta bay di acuerdo cune.

Por sigui e reunionnan publico di IPKO via: <https://tinyurl.com/ipko2023>